


包氏醫宗

第一集第二卷

文孫包天白君近影



哲嗣包識生君近影



時年二十九

時年十四有八

朱家題

三晉宗

包桃初先生傳略

包君桃初名育華一號白髯叟福建上杭縣人近世傷寒大家也著有无妄集劄記方竟而其令郎識生君之傷寒章節適脫稿先生喟然長嘆曰吾道已傳吾書可不傳矣遽將所刊无妄集束之高閣不爲發行海內醫林罕觀先生之著者職是故也先生直接長沙之薪傳治疾概以經方變化用之皆奇中神醫之號爭傳遐邇先生卒於清季戊申歲享年六十有二子三人皆知醫識生君卽其長令郎也乙卯秋出先生遺著重校付刊並以遺像摹印篇首使讀先生書者亦得一瞻先生之道貌丰神奕奕固將與遺篇同垂不朽焉


中華民國四年九月後學余德壘伯陶敬撰

包君天白小傳

余與天白交最久知最深其爲人寡言笑好深思奇想篤學不倦其詩歌文字久見稱於藝苑惟落落寡合無以展其懷抱乃遁而爲醫任上海中醫專門學校及中國醫學院兩處教授亦有醫著待刊君家以醫鳴者蓋三世矣其尊人識生夫子博學多能尤爲醫林所景仰天白承家學之緒餘秉趨庭之嚴訓別具手眼自有會心固能闡靈素之奇發長沙之奧者語云醫不三世不服其藥天白當之無愧矣世多未知天白者故爲誌之如右

中華民國十九年一月程門雪撰

君生識包之時義講各輯編務致任主



君生識包之時報學藝醫州神編主



君生識包之時節章寒傷著



十四年時

二十三年時

十二年時

包識生君小傳

包君識生字一虛古閩上杭人童年承庭訓潛志於傷寒雜病諸書埋案十載雖寒暑弗輟深得長沙之奧旨年二十卽出而問世乃本其學之所得著成傷寒論章節一書旋遊粵東治疾輒效聲譽鵠起嗣鑒於吾國黃農之學日就衰微慨然以振興醫藥爲己任歲壬子來海上蒼集同志組織神州醫藥總會主輯醫藥學報授講上海中醫專門學校及創辦神州醫藥專門學校教授諸生作有傷寒雜病講義及診斷學等書同時並設神州醫院以爲學生實習之所一切皆君之所擘畫也君復勤於著述有解剖學生理學病理學治療學藥物學等正在整理中近已梓行於世者有包氏醫宗二集皆足作後學之津梁正各家之訛謬使聖道復昌薪傳勿替有裨於醫林豈淺鮮哉

中華民國十九年一月掃波朱豪撰

傷寒論章節

閩杭包一虛識生氏編例

男天白孫應申

參校

劉佐彤
上海蘇

王保餘
江蘇鎮江

張三省
浙江海寧

蕭退庵
浙江寧海

丁濟萬
江蘇孟河

程門雪
安徽婺源

王智輝
陝西西安

樓警鏞
浙江諸暨

王慕唐
江蘇鎮江

趙晉翰
江蘇常州

凌逸琴
廣東番禺

周士義
江蘇上海

倪益齋
江蘇句容

張樹滋
安徽廣德

楊湛生
江蘇海門

施文德
江蘇海門

王伯岐
江蘇宜興

王修仁
江蘇上海

蔡家駿
廣東揭陽

石筱山
江蘇上海

張贊臣
江蘇武進

顧鴻章
江蘇武進

黃俊三
廣東揭陽

程凱
江蘇宜興

門人

全校

(以上係民國十年以前同學以教授先後為序)

序一

仲景傷寒論立法三百九十七條著方一百一十二則舉六經之見證爲綱假六淫之所傷爲目酌古準今神明變化爲中醫最有統系之作尤爲醫家奉爲圭臬之書但詞旨古奧探索云難雖代有明哲歷經註釋然各立門戶議論紛紜其辭益繁其理轉晦以致後之學者竟難溯流窮源徒興望洋之嘆良可慨也曩者僕忝長神州醫校而總其教務者爲包君識生每嘆吾國醫籍雖博而無淺顯明晰之講義以爲後學闢一捷徑爰請包君按傷寒條例設爲問答編成講義闡發仲景之精理擯棄各家之謬說分章列表立言明徹展讀一過瞭如指掌不啻迷津之寶筏航海之南針也書成囑余一言以弁諸首夫包君醫學一以仲景是宗此書不特羽翼先聖尤能獨抒卓見表章國粹嘉惠後學其功匪淺尅已是爲序

中華民國十九年一月嘉定余德堃伯陶甫謹識

序二

湯液治病始於傷寒論爲辨證處方之矩範後世學者莫不奉爲科律尋繹註釋凡數十家雖見智見仁各有同異然辨證愈多真理益出適足徵國人之富有研究性也余弱冠後游武昌呂用賓徵君之門初讀內難繼授傷寒以修園陳氏註本爲經以韻伯柯氏註本爲緯耳提面命旁及諸家得失瑕瑜指示詳盡體盡信書不如無書之旨輒令抄讀白文以待後之攷正嗣因宦游輟學未能探究精微回首師門良多愧負歲丁巳息影海上思以醫術問世遂重理舊業獲交包君識生於神州醫藥總會相與商榷醫理探索古今包君家學淵源尤具卓見崇論閎才聞者嘆服稱世無匹而於傷寒金匱諸學尤能闡揚仲聖言外微旨每於無字句處得真精神發前人所未發知於此道所得深矣間常勸君將所輯之書發行問世啟迪後進公

諸同好今之包氏醫宗卽君之宏著也其中援古證今學兼科哲上
窺靈蘭之堂奧旁攬世界之新知發揮光大有功醫學不朽之業端
在于茲矣吾師所謂後之攷正者非是耶嗚呼中西醫潮日益澎湃
出主入奴是丹非素綜其流弊寧獨學問然數典忘祖治古厭今均
足爲進取之障礙欲求實際之真學者誠不可不熟讀是書而深究
之也

中華民國十九年一月吳興蔡濟平謹序

余每覽越人入虢之診。望齊侯之色。未嘗不慨然歎其才秀也。怪當
今居世之士。曾不留神醫藥。精究方術。上以療君親之疾。下以救貧
賤之厄。中以保身長全。以養其生。但競逐榮勢。企踵權豪。孜孜汲汲。
惟名利是務。崇飾其末。忽棄其本。華其外而悴其內。皮之不存。毛將
安附焉。卒然遭邪風之氣。嬰非常之疾。患及禍至。而方震慄。降至屈
節。欽望巫祝。告窮歸天。束手受敗。賫百年之壽命。持至貴之重器。委
付凡醫。恣其所措。咄嗟嗚乎。厥身以斃。神明消滅。變爲異物。幽潛重
泉。徒爲啼泣。痛夫。舉世昏迷。莫能覺悟。不惜其命。若是輕生。彼何榮
勢之云哉。而進不能愛人知人。退不能愛身知己。遇災值禍。身居厄
地。蒙蒙昧昧。蠢若遊魂。哀乎。趨世之士。馳競浮華。不固根本。忘軀狗
物。危若水谷。至於是也。余宗族素多。向餘二百。建安紀年以來。猶未
十稔。其死亡者。三分有二。傷寒者。十居其七。感往昔之淪喪。傷橫天

之莫救。乃勤求古訓。博採衆方。撰用素問九卷。八十一難。陰陽大論。胎臚藥錄。并平脈辨證。爲傷寒雜病論。合十六卷。雖未能盡愈諸病。庶可以見病知源。若能尋余所集。思過半矣。夫天布五行。以運萬類。人稟五常。以有五藏。經絡府俞。陰陽會通。元冥幽微。變化難極。自非才高識妙。豈能探其理致哉。上古有神農。黃帝。岐伯。伯高。雷公。少俞。少師。仲文。中世有長桑。扁鵲。漢有公乘陽慶。及倉公。下此以往。未之聞也。觀今之醫。不念思求經旨。以演其所知。各承家技。終始順舊。省疾問病。務在口給。相對斯須。便處湯藥。按寸不及尺。握手不及足。人迎跌陽三部不參。動數發息。不滿五十。短期未知決診。九候曾無髣髴。明堂闕庭。盡不見察。所謂窺管而已。夫欲視死別生。實爲難矣。孔子云。生而知之者上。學則亞之。多聞博識。知之次也。余宿尙方術。請事斯語。

漢長沙太守南陽張機仲景撰。

傷寒論章節目錄 (即內科傳染病學)

第一篇

辨太陽病脈證篇……………即頭項背皮膚病

第二篇

辨陽明病脈證篇……………即面胸腹肌肉病

第三篇

辨少陽病脈證篇……………即頰頸脅筋骨病

第四篇

辨太陰病脈證篇……………即肺脾病

第五篇

辨少陰病脈證篇……………即心腎病

第六篇

傷寒論章節目錄終
辨厥陰病脈證篇

即心包絡肝病

第七篇

辨霍亂病脈證篇

即後天胃病

第八篇

辨陰陽易差後勞復脈證篇

即先天腎病

傷寒論原文

漢醫聖張仲景先師撰 後學包識生分例

家君桃初訓定 男天白校字

辨太陽病脈證篇第一

太陽病總論例第一

◎表病五規總論章第一

寒水爲病法「壹」太陽之爲病。脈浮。頭項強痛。而惡寒。

中風爲病法「貳」太陽病。發熱。汗出。惡風。脈緩者。名爲中風。

傷寒爲病法「叁」太陽病。或已發熱。或未發熱。必惡寒。體痛。嘔逆。脈

陰陽俱緊者。名曰傷寒。

表裏相傳法「肆」傷寒一日。太陽受之。脈若靜者。爲不傳。頗欲吐。若

躁煩。脈數急者。爲傳也。

閱者須知
論中除例
章法之外
一概是仲
聖原文未
更一字

經氣相傳法

〔伍〕傷寒二三日。陽明少陽證。不見者。爲不傳也。

三陽邪化法

〔陸〕太陽病。發熱而渴。不惡寒者。爲溫病。若發汗已。身

灼熱者。名曰風溫。風溫爲病。脈陰陽俱浮。自汗出。身重。多眠睡。鼻息必鼾。語言難出。若被下者。小便不利。直視。失溲。若被火者。微發黃色。劇則如驚癇。時瘕瘕。若火熏之。一逆尙引日。再逆促命期。

表裏傳治法

〔柒〕

病有發熱惡寒者。發於陽也。無熱惡寒者。發於陰也。發於陽者。七日愈。發於陰者。六日愈。以陽數七。

陰數六故也。

經氣傳治法

〔捌〕

太陽病。頭痛。至七日以上。自愈者。以行其經盡故也。若欲作再經者。鍼足陽明。使經不傳則愈。

虛證從治法

〔玖〕

太陽病。欲解時。從巳至未上。

實證反治法

〔拾〕風家。表解而不了了者。十二日愈。

脈證假真法

〔拾壹〕病人身大熱。反欲得近衣者。熱在皮膚。寒在骨髓也。身大寒。反不欲近衣者。寒在皮膚。熱在骨髓也。

表病風寒五規治法例第二

◎表虛陽病表裏傳章第二

氣傷邪治法

〔拾貳〕太陽中風。陽浮而陰弱。陽浮者。熱自發。陰弱者。汗

自出。嗇嗇惡寒。淅淅惡風。翕翕發熱。鼻鳴。乾嘔者。

桂枝湯主之。

經氣邪傷治法

〔拾叁〕太陽病。頭痛。發熱。汗出。惡風者。桂枝湯主之。

經傷邪治法

〔拾肆〕太陽病。項背強几几。反汗出。惡風者。桂枝加葛根

湯主之。

誤治更未治法

〔拾伍〕太陽病。下之後。其氣上衝者。可與桂枝湯方。用前